

КНИГАГУДЫШТО ПОГЫНЫШНА

Ава - могае ныжылге шомак. Ава - икшывын эн первый ойлымо мутшо. Ава - ешын, шочмо суртын энэртышыже, эн шерге, йöратыме, ныжылге, шыма, ласка айдеме.

Ава-влакын пайрем кечышт лүмеш Семисола ялысе книгагудын вуйлатышыже шке лудшыжо-влакым "Ава - ешын, шочмо суртын энэртышыже!" пайремыш пагален үжын.

Тиде пайремышке шуко шочшан ава-влак, пашан ветеранже-влак толыныт. Пайрем веселан эртыш.

Тенийысе идалык Россий Президент Владимир Путинын пунчалже почеш Еш идалык семын увертаралтын. Пайремыште еш илыш нерген ятыр кутырышна. Ава-вла-



клан возымо марла почеламут-влакым сылнын лудна, чонеш логалше муро-влакым муралтышна, марий сем почеш кушталтенат колтышна, ача-ава нерген калыкмутым шарналтышна.

Пайремыш толшо уна-на-влаклан изирак пöлеклым

кучыктышна. Тачысе кече дене пайдаланен, чыла авалан шочшышт лүм дене таум ыштена да мланде марте вуйнам савена. Тек кажне еш пиалан да тичмаш лиеш.

Алевтина ОГУРЦОВА,
Семисола книгагудын
вуйлатышыже